



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentiss Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. VI. Nihil tam pretiosum est, quàm collocare suæ salutis spem in
externis quibusdam signis devotionis erga sanctissimam Virginem.

urn:nbn:de:hbz:466:1-45581

ARGUMENTUM.

Nihil tam periculosum est, quam collocare suam salutis spem in externis quibusdā signis devotionis erga Sanctissimam Virginem.

ARTICULUS IV.

HAud me. lateat, quod plures Sanctorum Patrum dare videantur maximam æternæ salutis spem omnibus Sanctissimæ Virgini devotis, sed hi loquuntur de devotis veris, & non imaginariis. Probè novi, Sanctum Anselmum dixisse, juxta relationem Sancti Antonini: *Sicut o Beatissima omnis à te aversus. & à te despectus, necesse est, ut intereat: Ecce sententiam condemnationis in omnes eos, qui nullam habuerint devotionem erga Sanctissimam Virginem: Ita ad te omnis conversus, & à te respectus, impossibile est, ut pereat.* Ecce certitudinem salutis pro omnibus Sanctissimæ Virgini devotis. Sed loqui intendit ipse de veris devotis, & non imaginariis, qui simplicem apparentiam & speciem externam ostendere & ostendere volunt pro ipsa veritate.

Novi Sanctum Bonaventuram scripsisse in Psalterio Sanctissimæ Virginis: *Omnes eos, qui dignè servierint ipsi, justificandos fore & salvandos; omnesque eos, qui ipsam neglexerint, infallibiliter mor-*
R. P. Isaac Consulias, Tom. III.

rituros in peccatis suis. Sed qui biliter prodigni intersunt ipsi, nisi illi, qui curat salutem. non amplectuntur devotionem erga ipsam, vel aliquam ipsius Confraternitatem, nisi ut imponant sibi legem vivendi magis Christianè, frequentandi sæpius Sacramenta, jejunandi certis diebus, accedendi frequentius Ecclesiam, studendi fidelius imitationi hujus Regine Sanctorum omnium, ipsius puritati Virginali, ipsius charitati, & reliquis ipsius virtutibus, & potissimum nunquam tollerandi aliquid in animabus suis commorari peccatum. Ecce eos, qui dignè serviunt ipsi, quos ipsa velut veros suos respicit devotos, quique admodum certam suam sibi habent salutem. Quinam sunt ergo, qui ipsam negligunt? sunt ij, qui contenti sunt externas aliquas observare caeremonias, velut portare Rosarium aut scapulere, vel in honorem ipsius jejunare die Sabbathi, ut habeant saltem tenuam aliquam devotionis suæ apparentiam, supra quam fundare possint aliquam salutis suæ certitudinem, eòquod audiérunt, devotos erga Sanctissimam Virginem nunquam
Ggggg peti-

peritutos. Ecce falsos devotos, qui negligunt ipsam, quique moriuntur in peccatis suis.

Semper periculosum est colligere ipsum in exemplo quodam miraculoso

Exploratum ulterius habeo, Auctores, qui scripserunt de devotione erga Sanctissimam Virginem, plura recensuisse exempla eorum, quos eruerit è portis mortis, ac etiam illis inferni, dicentes, quòd condemnati jam fuerint, eò quòd maximi existerint peccatores, sed ex eo, quòd devotione quòdam persecuti fuerint hanc Matrem Misericordiz, obtinuerint mediante potentissimâ ipsius intercessione horrendæ hujus revocationem sententiæ, gratiasque se convertendi, ac tandem felicitatem pertingendi ad portum salutis. Sed si verum est, rarissima & inusitatissima hæc sunt miracula, quæ nemo promittere sibi audeat, absque magnâ temeritate.

Vel esse potest, hæc non esse, nisi puras illusiones diaboli, qui eo nomine excitat affectus doloris in corde maximorum peccatorum, vi cujus persuasum sibi habeant, se ex integro esse convertos, qui tenerrimas eliciat ex ipsis lacrymas, qui invocare faciat illos Sanctissimam Virginem, verbis omni reverentiâ ac amore plurius, representando ipsis, quòd licet vitam duxerint sceleratam, nihilominus semper magnam habuerint fiduciam in ipsius bonitate, & fideliter indies recitarint ipsi certum salutationum Angelicarum

numerum: Et sic valdè tranquillè excipiunt fata, moriuntur securi, citra id, quòd metuant judicia Dei, dimittentes omnem de peccatis suis cogitationem, quamvis enormissima hæc sint, maximòque multiplicata numero, & nullâ unquam expiata pœnitentiâ; nec loquentes, nisi de confidentiâ, quam semper habuerint erga Advocatam miserorum peccatorum, invocando ipsam: O Sanctissima Virgo, illos tuos misericordes oculos ad me converte pauperem servum tuum: semper dictum mihi fuit, semperque id firmiter credidi, non passuram te unquam aliquem, servorum tuorum damnari.

Et quando tam pacatè mori conspiciunt existimatus hic Sanctissima Virgini devotus; dicunt omnes: ô quàm facilè obtinetur salus mediante Sanctissimâ Virgine! Haud opus est, nisi quotidie parvâ quòdam ipsam prosequi devotione, & de cœterò in pace vivere: constat enim, pessimè semper hunc vixisse hominem, qui nihilominus sancti instar est mortuus, eò quòd Sanctissimæ Virgini extiterit devotus, recitans ipsi plures quotidie salutationes Angelicas. Et forsàn diabolus est, qui totam hanc ludit tragediam, ut decipiat simplices, ipsisque persuadent securè vivere se posse in peccatis, nec habere, quòd metuant, se in his vel morituros, vel esse damnandos, modò parvam quandam erga

erga Sanctissimam Virginem fo-
veant animo devotionem. Con-
fidentia sanè præsumptuosa, &
propterea temeraria! dici potest, pe-
riculosissimam hanc esse fraudem
dolûmque diaboli.

Tandem enim periculosius ni-
hil est, quàm suæ spem salutis col-
locare in parvis quibusdam devo-
tionis erga Sanctissimam Virginem
apparentijs; eòquòd hæ non ser-
viant, nisi ad conferendâ confiden-
tiam animæ perseverandi in pec-
catis suis absque anxietate, sub ex-
spectatione potentis auxiliij, quod
nunquam non porrigit ipsa servis
suis. Illa quidem potentissima
est, verùm sit tuam exigas vitam
in peccato & illud teneas adhuc in
articulo mortis, tuæ infixum ani-
mæ, quando & ipsa, & totus si-
mul paradifus orateat pro te, de-
fendere te non possent adversus
rigorem justitiæ Dei, quæ implaca-
bilis est erga eos, qui vivunt & mo-
riuntur in peccato, quòcunque
devotionis apparentis velo tuas
coneris obtegere iniquitates.

Tam firmiter teneo, devotio-

nem erga Sanctissimam Virginem
esse unum ex certioribus notis
prædestinationis nostræ, & unum
è solidioribus argumentis, quæ ha-
bere possumus de salute nostrâ æ-
ternâ, ut lubens darem vitam
meam pro defensione hujus veti-
tatis. Utinam publicare illam pes-
sem voce tonituri per universum
orbem, sed loquor de devotione
verâ ac sincerâ, quæ cordis occu-
pet penetrabilia, persuadens ipsi,
ut magis iplo inferno oderit pec-
catum, quæ minoris æstimet ap-
parentias externas, quàm purita-
tem animæ & innocentiam vitæ:
imitari malit, quàm precari San-
ctissimam Virginem, quæque in-
cessanter contendat illi placere,
& oculis Unigeniti Filij ipsius JE-
SU Christi. Si ejusmodi tua er-
ga Beatissimam Virginem fuerit
devotio, vivere poteris in pace,
& firmâ fiduciâ sala-
tis tuæ.

Qualis de-
votio erga
Sanctissi-
mam Vir-
ginem asse-
currere
possit sala-
tem no-
stram.

